

Landesbibliothek Oldenburg

Digitalisierung von Drucken

M. Tvllii Ciceronis Epistolae

Cicero, Marcus Tullius

Halae Magdebvrgicae, MDCCLVII.

VD18 12794317

M. Tvllii Ciceronis Epistolarvm Ad Cvrionem Et Ceteros, Liber II.

urn:nbn:de:gbv:45:1-17061

inimici ipsi illi Q. Scævola fuerint. Tibi tamen sum auctor, ut si quibus rebus possis, eum tibi ordinem aut reconcilies, aut mitiges. Id etsi difficile est, tamen mihi videtur esse prudentiæ tuæ. Vale.

ARGUMENTVM.

10

Inter jocos significat Valerio, se ejus nomine P. Lentulo gratias egisse, eumque, ut domum redeat, hortatur.

M. T. C. S. D. L. VALERIO, IVRISCONSULTO.

CVR enim tibi hoc non gratificer, nescio: præfertim cum his temporibus audacia pro sapientia liceat uti. Lentulo nostro egi per litteras tuo nomine gratias diligenter. Sed tu velim desinas jam nostris litteris uti, & nos aliquando revisas: & ibi malis esse, ubi aliquo numero sis, quam istic, ubi solus sapere videare. Quamquam qui istinc veniunt, partim te superbum esse dicunt, quod nihil respondeas: partim contumeliosum, quod male respondeas. Sed jam cupio tecum coram jocari. Quare fac, ut quam primum venias, neque in Apuliam tuam accedas, ut possumus saluum venisse gaudere. Nam illo si veneris, tamquam Ulysses, cognosces tuorum neminem. Vale.

p. 18.
a.

M. TVLLII CICERONIS
EPISTOLARVM

AD

CVRIONEM ET CETEROS,

LIBER II.

ARGUMENTVM.

1

Accusatus a Curione negligentia litterarum, se excusat, eique quod absens summam laudem consecutus sit, gratulatur, hortaturque, ut, quam concitasset, expectationi sui respondeat, & ipsum, cujus consiliis ad hanc dignitatem pervenerit, jam prope senescentem, amore suo oblectet.

M. T. C.

M. T. C. S. D. C. CVRIONI.

QVAMQVAM me nomine negligentiae suspectum tibi esse doleo, tamen non tam mihi molestum fuit accusari abs te officium meum, quam jucundum requiri: praesertim cum in quo accusabar, culpa vacarem: in quo autem desiderare te significabas meas litteras, praeter te ferres perspectum mihi quidem, sed tamen dulcem, & optatum amorem tuum. Equidem neminem praetermissi, quem quidem ad te perventurum putarem, cui litteras non dederim. etenim quis est tam scribendo impiger, quam ego? A te vero bis, terve summum, & eas perbreves accepi. Quare, si iniquus es in me iudex, condemnabo eodem ego te crimine: sin me id facere noles, te mihi aequum praebere debebis. Sed de litteris haecenus. non enim vereor, ne non scribendo te expleam: praesertim si in eo genere studium meum non aspernabere. Ego te abfuisse *a)* tamdiu a nobis & dolui, quod carui fructu jucundissimae consuetudinis: & laetor, quod absens omnia cum maxima dignitate es consecutus; quodque in omnibus tuis rebus, meis optatis fortuna *b)* spondit. Breve est, quod me tibi praecipere meus incredibilis in te amor cogit. tanta est expectatio vel animi, vel ingenii tui, ut ego te obsecrare, obtestarique non dubitem, sic ad nos conformatus revertare, ut, quam expectationem tui concitasti, hanc sustinere, ac tueri possis. Et, quoniam meam tuorum erga me meritorum memoriam ulla numquam delebit oblivio, te rogo, ut memineris, quantaecumque tibi accessiones fient & fortunae, & dignitatis, eas te non potuisse consequi, nisi meis puer olim fidelissimis, atque amantissimis consiliis paruisses. Quare hoc animo in nos esse debebis, ut aetas nostra jam ingravescens, in amore, atque in adolescentia *b)* conquiescat. Vale.

ARGV-

a) *afuisse.**b)* *add. tua.*

ARGVMENTVM. 2

Patris mortem filio absenti significat, ac se illi parentis loco fore pollicetur.

M. T. C. C. CVRIONI, S. D.

GRAVI teste privatus sum amoris summi erga te mei, patre tuo, clarissimo viro: qui cum suis laudibus, tum vero te filio superasset omnium fortunam, si ei contigisset, ut te ante videret, quam a vita discederet. Sed spero nostram amicitiam non egere testibus. Tibi patrimonium dii fortunent. Me certe habebis, cui & carus æque sis, & jucundus, ac fuisti patri.

ARGVMENTVM. 3

Rupam libertum excusat, quod in patris funere ludos populo non promiserit. quia amicis displicuerit. Cujus consilii, coram pluribus exponendi, jam summam perscribit, & quanta in exspectatione Curio filius sit, significat.

M. T. C. C. CVRIONI, S. D.

RVPÆ studium non defuit declarandorum munerum tuo nomine: sed nec mihi placuit, nec cuiquam tuorum, quidquam, te absente, fieri, quod tibi, cum venisses, non esset integrum. Equidem quid sentiam, aut scribam ad te postea pluribus, aut, ne ad eam meditare, imparatum te offendam, coramque contra istam rationem, meam dicam: ut aut te in meam sententiam adducam: aut certe testatum apud animum tuum relinquam, quid senserim: ut, si quando (quod nolim) displicere tibi consilium tuum cœperit, possis meum recordari. Brevi tamen sic habeto, in eum statum temporum tuum reditum incidere, ut iis bonis, quæ tibi natura, studio, fortuna data sunt, facilius omnia, quæ sunt amplissima in republica, consequi possis, quam muneribus: quorum neque facultatem quisquam admiratur (est enim copiarum, non virtutis) neque quisquam est, quin satietate jam defessus sit. Sed aliter, atque ostenderam, facio, qui ingrediar ad explicandam rationem senten-

ten-

mentis meae. Quare omnem hanc disputationem in adventum tuum differo. Summa scito in expectatione te esse, eaque a te expectari, quae a summa virtute, summoque ingenio expectanda sunt: ad quae si es, ut debes, paratus: (quod ita esse confido) plurimis, maximisque numeribus, & nos amicos, & cives tuos universos, & rempublicam afficies. Illud cognosces profecto, mihi te neque cariore, neque jucundiore esse quemquam.

4

ARGUMENTVM.

Diversa dicit litterarum genera esse, quorum neutrum sibi jam conveniat. Quapropter ad cohortationem transit, ut pergat Curio ad gloriam ire, quia gravis ipsi adversaria, omnium expectatio, constituta sit.

M. T. C. C. CURIONI, S. D.

EPISTOLARVM genera multa esse non ignoras: sed unum illud certissimum, cujus causa inventa res ipsa est, ut certiores faceremus absentes, si quid esset, quod eos scire, aut nostra, aut ipsorum interesset. Hujus generis litteras a me profecto non expectis. Tuarum enim rerum domesticarum habes & scriptores, & nuntios. In meis autem rebus nihil est sane novi. Reliqua sunt epistolarum genera duo, quae me magnopere delectant: unum familiare, & jocosum; alterum severum, & grave. Utro me minus deceat uti, non intelligo. Jocerne tecum
b. per litteras? civem mehercule non puto esse, qui temporibus his ridere possit. An gravius aliquid scribam? quid est, quod possit graviter a Cicerone scribi ad Curionem, nisi de republica? Atque in hoc genere haec mea causa est, ut neque ea, quae non sentio, velim scribere. Quamobrem, quoniam mihi nullum scribendi argumentum relictum est, utar ea clausula, qua soleo, teque ad studium summæ laudis cohortabor. Est enim tibi gravis adversaria constituta, & parata, incredibilis quaedam expectatio: quam tu una re facillime vinces, si hoc statueris, quarum laudum gloriam adamaris; quibus artibus eae laudes comparantur,

iii

in iis esse laborandum. In hanc sententiam scriberem plura, nisi te tua sponte satis incitatum esse considerem: & hoc, quidquid attigi, non feci inflammandi tui causa, sed testificandi amoris mei. Vale.

ARGVMENTVM. 5

Questus de publicis malis, Curioni gratulatur, quod ea non videat, & magnam ex benefactis laudem consequatur. Sed quoquo se modo respublica habeat, ad eam capeffendam vindicandamque adhortatur.

M. T. C. C. CVRIONI, S. P. D.

HAEC negotia quomodo se habeant, ne epistola quidem narrare audeo. tibi, etsi ubicumque es (ut scripsi ad te antea) in eadem es navi: tamen quod abes, gratulor: vel quia non vides ea, quæ nos; vel quod excelfo, & illustri loco sita sit laus tua, in plurimorum & sociorum, & civium conspectu: quæ ad nos nec obscuro, nec vario sermone, sed & clarissima, & una omnium voce perfertur. Unum illud nescio, gratulerne tibi, an timeam, quod mirabilis est expectatio redditus tui: non quo verear, ne tua virtus opinioni hominum non respondeat: sed mehercule, ne, cum veneris, non habeas jam, quod cures: ita sunt omnia debilitata jam prope & extincta. Sed hæc ipsa ne-^{p. 270}
^{a.}scio, rectene sint litteris commissa. quare cetera cognoscas ex aliis. Tu tamen, siue habes aliquam spem de republica, siue desperas: ea para, meditare, cogita, quæ esse in eo civi, ac viro debent, qui sit rempublicam afflictam, & oppressam miseris temporibus, ac perditis moribus, in veterem dignitatem ac libertatem, vindicaturus.

ARGVMENTVM. 6

Curioni, ex Asia adventanti, Milonis causam, consulatum petentis, diligentissime commendat, ut gratia, qua plurimum polleat, petitionem ejus adjuvet, quo ipso non tam Milonem sibi, quam etiam Ciceronem, cujus intererat Milonem ornari, magis magisque sibi devincturus sit.

C M. T. C.

M. T. C. C. CVRIONI, S. P. D.

ab NONDVM erat auditum, te ad Italiam adventare, cum Sextum Villium, Milonis mei familiarem, cum his ad te litteris misi. Sed tamen cum appropinquare tuus adventus putaretur, & te jam ex Asia Romam versus profectum esse constaret, magnitudo rei fecit, ut non vereremur, ne nimis cito *c)* mitterem, cum has quam primum ad te perferri litteras magnopere vellemus. Ego si mea in te essent officia solum, Curio, tanta, quanta magis a teipso prædicari, quam a me ponderari solent: verecundius a te, si qua magna res mihi petenda esset, contenderem. Grave est enim homini pudenti, petere aliquid magnum ab eo, de quo se bene meritum putet: ne id, quod petat, exigere magis, quam rogare; & in mercedis potius, quam beneficii loco numerare videatur. Sed quia tua in me, vel nota omnibus, vel ipsa novitate meorum temporum clarissima & maxima beneficia exstiterunt; estque animi ingenui, cui multum debeas, eidem plurimum velle debere: non dubitavi, id a te per litteras petere, quod mihi omnium esset maximum, maximeque necessarium. Neque enim sum veritus, ne sustinere tua in me vel innumerabilia non possem: cum præsertim confiderem, nullam esse gratiam, quam non vel capere animus meus in accipiendo, vel in remunerando, *d)* cumulandoque illustrare posset. Ego omnia mea studia, omnem operam, curam, industriam, cogitationem, mentem denique omnem in Milonis consulatu fixi, & locavi: statuique in eo me non officii solum fructum, sed etiam pietatis laudem debere quærere. Neque vero cuiquam salutem, ac fortunas suas tantæ curæ fuisse unquam puto, quantæ mihi sit honos ejus, in quo omnia mea posita esse decrevi. Huic te unum tanto adjumento esse, si volueris, posse intelligo, ut nihil sit præterea nobis requirendum. Habemus hæc omnia:

c) mitteremus.*d)* placet lectio Cod. Græv. I. *cumulare atque.*

omnia: bonorum studium conciliatum ex tribunatu, propter nostram (ut spero te intelligere) causam; vulgi, ac multitudinis, propter magnificentiam munerum, liberalitatemque naturæ: juventuris, & gratiosorum in suffragiis studia, propter ipsius excellentem in eo genere, vel gratiam, vel diligentiam: nostram suffragationem, si minus potentem, at probatam tamen, & justam, & debitam, & propterea fortasse etiam gratiosam. Dux nobis, & auctor opus est, & eorum ventorum, quos proposui, moderator quidam, & quasi gubernator: qui si ex omnibus unus optandus esset, quem tecum conferre possemus, non haberemus. Quamobrem, si me memorem, si gratum, si bonum virum, vel ex hoc ipso, quod tam vehementer de Milone laborem, existimare potes; si dignum denique tuis beneficiis iudicas: hoc a te peto, ut subvenias huic meæ sollicitudini, ut huic meæ laudi, vel (ut verius dicam) prope salutem tuum studium dicas. De ipso T. Annio tantum tibi polliceor, te majoris animi, gravitatis, constantiæ, benivolentiæque erga te, si complecti hominem volueris, habiturum esse neminem. Mihi vero tantum decoris, tantum dignitatis adjunxeris, ut eundem te facile agnoscam fuisse in laude mea, qui fueris in salute. Ego, ni te videre scirem, cum ad te hæc scriberem, quantum officii sustinerem, quantopere mihi esset in hac petitione Milonis omni, non modo contentione, sed etiam dimicatione elaborandum, plura scriberem. Nunc tibi omnem rem, atque causam, meque totum commendo, atque trado. Unum hoc sic habero: si a te hanc rem impetraro, me pane plus tibi, quam ipsi Miloni debiturum. non enim mihi tam mea salus cara fuit, in qua præcipue sum ab illo adjutus: quam pietas erit in referenda gratia, jucunda. eam autem unius tui studio me assequi posse confido. Vale.

ARGVMENTVM.

7

Ex Cilicia Curioni de tribunatu plebis gratulatur, hortaturque,

C 2

ne

36 EPIST. AD C. CVRIONEM, ET ALIOS

ne cuius consilium sequatur, sed quod rectum est, constanter faciat: nec patiatur sibi provinciam prorogari.

M. T. C. PROCONSVL, C. CVRIONI, TRIBVNO
PL. S. D.

SERA gratulatio reprehendi non solet, præsertim si nulla negligentia prætermissa est. longe enim absum: audio fero. Sed tibi & gratulor; &, ut sempiternæ laudi tibi sit iste tribunatus, exopto: teque hortor, ut omnia gubernes, & moderere prudentia tua; ne te auferant aliorum consilia. Nemo est, qui tibi sapientius suadere possit teipso: nunquam labere, si te audies. Non scribo hoc temere: cui scribam, video: novi animum, novi consilium tuum, non vereor, nequid timide, nequid stulte facias, si ea defendes, quæ ipse recta esse senties. Quod in id reipublicæ tempus non incideris, sed veneris (iudicio enim tuo, non ^{b.} casu in ipsum discrimen rerum contulisti tribunatum tuum) profecto vides, quanta vis in republica temporum sit, quanta varietas rerum, quam incerti exitus, quam flexibiles hominum voluntates: quid insidiarum, quid vanitatis in vita, non dubito, quin cogites. Sed amabo te, cura, & cogita nihil novi, sed illud idem, quod initio scripsi: tecum loquere: & te adhibe in consilium: te audi: tibi obtempera. alteri qui melius dare consilium possit, quam tu, non facile inveniri potest: tibi vero ipsi certe nemo melius dabit. Dii immortales! cur ego non adsum, vel spectator laudum tuarum, vel particeps, vel socius, vel minister consiliorum? jam etsi hoc minime tibi deest, sed tamen efficeret magnitudo, ^{e)} vis amoris mei, consilio te ut possem juvaré. / Scribam ad te plura alias. paucis enim diebus eram missurus domesticos tabellarios: ut, quoniam sane feliciter, & ex mea sententia rempublicam gessimus, unis litteris totius æstatis res gestas ad senatum perscriberem. De sacerdotio tuo quantam curam adhibuerim, quamquam difficili in re, atque causa, cognosces ex iis litteris,

^{e)} & vis.

litteris, quas Tharasoni, liberto tuo, dedi. Te, mi Curio, pro tua incredibili in me benivolentia, meaque item in te singulari, rogo, atque oro, ne patiare quidquam mihi ad hanc provincialem molestiam temporis prorogari. Præfens tecum egi, cum te tribunum plebis isto anno fore non putarem: itemque petivi sapius per litteras: sed tum quasi a senatore nobilissimo; tum adolescente gratiosissimo; nunc a tribuno plebis, & a Curione tribuno: non ut decernatur aliquid novi; quod solet esse difficilium: sed ut ne quid novi decernatur: & ut senaticonsultum, & leges ^{p. 22} defendas: eaque mihi conditio maneat, qua profectus sum. ^{a.} Hoc te vehementer etiam, atque etiam rogo. Vale.

ARGVMENTVM.

8

M. Cælius, cujus est liber VIII. harum epistolarum, scripserat leviores res urbanas Ciceroni de gladiatoris ludis, & latione vadimonii, & furtis nonnullis, quæ ipsum nihil adficiabant. Reprehensa ergo illa sedulitate monet, ut severiores res, quem statum putet reip. futurum esse, perscribat. Addit, cum Pompejo fuisse, cui se ut Cælius det, hortatur: & cum Caninio Athenis. Denique sua commendat.

M. T. C. PROCONSVL, M. COELIO S. D.

QUID? tu me hoc tibi mandasse existimas, ut mihi gladiatorum compositiones, ut vadimonia dilata, & Christi compilationem mitteres, & ea, quæ nobis, cum Romæ sumus, narrare nemo audeat? Vide, quantum tibi meo iudicio tribuam: (nec mehercule injuria. *πολιτικώτερον* enim te adhuc neminem cognovi) ne illa quidem cura mihi scribas, quæ maximis in rebus reipublicæ geruntur quotidie, nisi quid ad me ipsum pertinebit. scribent alii: multi nuntiabunt. perferet multa etiam ipse rumor. Quare ego nec præterita nec præsentia abs te, sed ut ab homine longe in posterum prospiciente, futura exspecto, ut ex tuis litteris, cum formam reipublicæ viderim, quale ædificium

C 3

cium

*Refertur
Drs: Langa
iii/11*

cium futurum sit, scire possim. Neque tamen adhuc habeo, quod te accusem. neque enim fuit, quod tu plus providere posses, quam quivis nostrum, in primisque ego, qui cum Pompejo complures dies nullis in aliis, nisi de republica, sermonibus versatus sum: quæ nec possunt scribi, nec scribenda sunt. Tantum habeto, civem egregium esse Pompejum, & ad omnia, quæ providenda sunt in republica, & animo, & consilio paratum. Quare da te homini, complectetur, mihi crede. Jam *f*) iidem illi & boni, & mali cives videntur, qui nobis videri solent. Ego cum Athenis decem ipsos dies fuisset, multumque mecum *b*. Gallus noster Caninius, proficiscebatur inde pridie ^{Julia} nonas Quintilis, cum hoc ad te litterarum dedi. Tibi cum omnia mea commendatissima esse cupio, tum nihil magis, quam ne tempus nobis provinciæ prorogetur. in eo mihi sunt omnia. Quod, quando, & quomodo, & per quos agendum sit, tu optime constitues. Vale.

9

ARGUMENTVM.

Gratulatur de adilitate obtenta, Hirro competitore dejecto, in quem veteris poetæ verbis facete jocatur.

M. T. C. COELIO RVFO, AEDILI CVRVLI DESIGNATO, S. D.

PPRIMUM tibi, ut debeo, gratulor, lætorque cum præfenti, tum etiam sperata tua dignitate, ferius, non negligentia mea, sed *g*) ignorantia rerum omnium. in his enim sum locis, quo & propter longinquitatem, & propter atrocitiam, tardissime omnia perferuntur. Et cum gratulor, tum vero quibus verbis tibi gratias agam, non reperio, quod ita factus sis, ut dederis nobis, quemadmodum scripseras ad me, quem semper ridere possemus. Itaque cum primum audiui, ego ille ipse factus sum, scis quem dicam: egique omnes illos adolescentes, quos ille jactitat. difficile est loqui. Te autem contemplan absentem, & quasi

*f) eidem.**g) ignoratione.*

quasi tecum coram loquerer, *Non adepol, quantam egeris rem, neque quantum facinus feceris.* Quod quia præter opinionem mihi acciderat, referebam me ad illud: *Incredibile hoc factu obicitur.* repente vero incessi omnibus lætitiis. In quo cum objurgarer, quod nimio gaudio pæne desiperem: ita me defendebam: *Ego voluptatem animi nimiam.* Quid quæris? dum illum rideo, pæne sum factus ille. Sed hæc pluribus: multaque alia & de te, & ad te, cum primum ero aliquid otii nactus. Te vero, mi Rufe, diligo, *p. 22* quem mihi fortuna dedit amplificatorem dignitatis meæ, *a.* ultorem non modo inimicorum, sed etiam invidorum meorum: ut eos partim scelerum suorum, partim etiam ineptiarum pœniteret. Vale.

ARGVMENTVM.

IO

Querendo de tabellariis, occulte Cælium negligentia litterarum accusat: res suas in Amano gestas narrat: S, ne provincia prorogetur, rogat: de rep. cupit certior fieri.

M. T. C. IMP. M. COELIO RVFO, AEDILI CVRVLI
DESIGN. S. D.

TV vide, quam ad me litteræ non perferantur. non enim possum adduci, ut abs te, postea quam ædilis es factus, nullas putem datas: præsertim cum esset tanta res, tantæ gratulationis; de te, quia quod sperabam: *b)* dein Hillo, balbus enim sum, quod non putaram. Atqui sic habeto, nullam me epistolam accepisse tuam post comitia ista præclara, quæ me lætitia extulerunt: ex quo vereor, ne idem eveniat in meas litteras. Equidem numquam domum misi unam epistolam, quin esset ad te altera: nec mihi est te jucundius quidquam, nec carius. Sed balbi non sumus: ad rem redeamus. Ut optasti, ita est. velles enim, ais, tantummodo ut haberem negotii, quod esset ad laureolam satis. Parthos times, quia diffidis copiis nostris. ergo ita accidit. Nam Parthico bello nuntiato, locorum

C 4

qui-

b) de Hillo. probat tamen Gulielmii conjecturam dein H.

40 EPIST. AD C. CVRIONEM, ET ALIOS

quibusdam angustiis, & natura montium fretus, ad Amanum exercitum adduxi, satis probe ornatum auxiliis, & quadam auctoritate apud eos, qui me non norant, nominis nostri. Multum est enim in his locis: *Hicine est ille, qui urbem? quem senatus?* nosti cetera. Cum venissem ad Amanum, qui mons mihi cum Bibulo communis est, divisus aquarum divortii, Cassius noster, quod mihi magnæ voluptati fuit, feliciter ab Antiochea hostem rejece-
 b. rat. Bibulus provinciam acceperat. Interea cum meis copiis omnibus, vexavi Amanientes, hostes sempiternos. multi occisi, capti: reliqui dissipati: castella munita, improvise adventu capta, & incensa. Ita victoria iusta imperator appellatus apud Issum (quo in loco sæpe, ut ex te audivi, Clitarchus tibi narravit, Dareum ab Alexandro esse superatum) adduxi exercitum ad infestissimam Ciliciæ partem. Ibi quintum vicesimum jam diem aggeribus, vineis, turribus oppugnabam oppidum munitissimum, Pindenissum, tantis *i)* operibus, tantoque negotio, ut mihi ad summam gloriam nihil desit, nisi nomen oppidi: quod si, ut spero, cepero; tum vero litteras publice mittam. Hæc ad te in præsentem scripsi, ut speres, te assequi id, quod optasses. Sed, ut redeam ad Parthos, hæc æstas habuit hunc exitum satis felicem. Ea, quæ sequitur, magno est in timore. Quare, mi Rufe, vigila: primum ut mihi succedatur: sin id erit, ut scribis, & ut ego arbitror, spissius; illud, quod facile est, nequid mihi temporis prorogetur. De republica ex tuis, ut antea tibi scripsi, cum præsentia, tum etiam futura magis exspecto. Quare ut ad me omnia quam diligentissime perscribas, te vehementer rogo. Vale.

II

ARGUMENTVM.

Prorogationis metu sollicitus ob varias causas, de pantheris, in ludos ædilis Cælii capiendis, scribit: Et sibi res urbanas perscribi postulat.

M. T. C.

i) opibus.

M. T. C. IMP. M. COELIO, AEDILI CV-
RVLI, S. D.

PVTARESNE umquam accidere posse, ut mihi verba deessent: neque solum ista vestra oratoria, sed hæc etiam levia nostraria? Desunt autem propter hanc causam, quod mirifice sum sollicitus, quidnam de provinciis decernatur. Mirum me desiderium tenet urbis, incredibile meorum, atque in primis tui: fatietas autem provinciae: vel quia videmur eam famam consecuti, ut non tam accessio quærenda, quam fortuna metuenda sit: vel, quia totum negotium non est dignum viribus nostris, qui majora onera in republica sustinere & possim, & soleam: vel quia belli magni timor impendet, quod videmur effugere, si ad constitutam diem decedemus. De pantheris, per eos, qui venari solent, agitur mandato meo diligenter: sed mira paucitas est. & eas, quæ sunt, valde ajunt queri, quod nihil cuiquam insidiarum in mea provincia, nisi sibi, fiat. Itaque constituiisse dicuntur in Cariam ex nostra provincia decedere. Sed tamen sedulo fit, & in primis a Patisco. Quidquid erit, tibi erit: sed quid esset, plane nesciebamus. Mihi, mehercule, magnæ curæ est ædilitas tua. ipse dies me admonebat. scripsi enim hæc ipsis Megalensibus. Tu velim ad me de omni reipublicæ statu quam diligentissime perscribas. ea enim certissima putabo, quæ ex te cognoro. Vale.

ARGVMENTVM.

12

Appropinquante discessu ex provincia, urbem desiderat, cujus fructus provincialibus præfert: & obviam sibi litteras mitti postulat.

M. T. C. IMP. M. COELIO, AEDILI CV-
RVLI, S. D.

SOLLICITVS equidem eram de rebus urbanis: ita tumultuosæ conciones, ita molestæ Quinquatrus afferebantur. nam citeriora nondum audiebamus. Sed tamen

C 5

nihil

nihil me magis sollicitabat, quam in his molestiis non me, si quæ ridenda essent, ridere tecum. sunt enim multa, sed ea non audeo scribere. Illud moleste fero, nihil me ad-
 b. huc his de rebus habere tuarum litterarum. Quare etsi, cum tu hæc leges, ego jam annum munus confecero: tamen obviæ mihi velim sint litteræ tuæ, quæ me erudiant de omni republica, ne hospes plane veniam. hoc melius, quam tu, facere nemo potest. Diogenes tuus, homo modestus, a me cum Philone Pessinunte discessit. iter habebant ad Dejotarum regem: quamquam omnia nec benigna, nec copiosa cognorant. Urbem, urbem, mi Rufe, cole, & in ista luce vive. ^{totum} Omnis peregrinatio (quod ego ^{magis} ab adolescentia judicavi) obscura, & sordida iis, quorum industria Romæ potest illustris esse. Quod cum probe scirem, utinam in sententia permansissem! Cum una mercurule ambulatiuncula, atque uno sermone nostro, omnes fructus provinciæ non confero. Spero me integritatis laudem consecutum. non erat minor ex contemnenda, quam ex conservata provincia. Spem triumphi? Inquis. satis gloriose triumpharem, si non essem quidem tamdiu in desiderio rerum mihi carissimarum. Sed (ut spero) prope diem te videbo. tu mihi obviam mitte expistolæ te dignas. Vale.

13

ARGUMENTVM.

De litterarum infrequentia modeste questus, amicitiam Appii Cælio excusat, & rationibus defendit. Curionis inconstantiam se prævidisse, provinciam recte confecisse, & urbis desiderio nunc unice teneri dicit.

M. T. C. IMP. M. COELIO, AEDILI CV-
 RVLI, S. D.

RARAS tuas quidem (fortasse enim non perferuntur) sed suaves accipio litteras: vel quas proxime acceperam, quam prudentis? quam multi & officii, & consilii? Etsi omnia sic constitueram mihi agenda, ut tu admonebas: tamen confirmantur nostra consilia, cum sentimus, prudentibus, fideliterque suadentibus idem videri. Ego
 Appium

Appium (ut sæpe tecum locutus sum) valde diligo: meque ab eo diligi statim ceptum esse, ut similitatem depo- p. 25
suimus, sensi. Nam & honorificus in me consul fuit,^a
& suavis amicus, & studiosus studiorum etiam meo-
rum. Mea vero officia ei non defuisse, tu es testis:
quoniam *καμικὸς μάγιστρος* (ut opinor) occidit Phania: &
mehercule etiam pluris eum feci, quod te amari ab eo
sensi. Jam me Pompeji totum esse scis. Brutum a me
amari intelligis. Quid est causæ, cur mihi non in optatis
est complecti hominem, florentem ætate, opibus, honori-
bus, ingenio, liberis, propinquis, affinibus, amicis; col-
legam meum præsertim, & in ipsa collegii laude, & scien-
tia, studiosum mei? Hæc eo pluribus scripsi, quod mihi
significabant tuæ litteræ, subdubitare, qua essem erga illum
voluntate. Credo, te audisse aliquid. falsum est, mihi
crede, si quid audisti. Genus institutorum, & rationum
mearum, dissimilitudinem nonnullam habet cum illius ad-
ministracione provinciarum. Ex eo quidam suspicati fortasse
sunt, animorum contentione, non opinionum disensione,
me ab eo discrepare. Nihil autem feci unquam, neque
dixi, quod contra illius existimationem esse vellem. Post
hoc negotium autem, & temeritatem nostri Dolabellæ, de-
precatorem me pro illius periculo præbeo. Erat in ea-
dem epistola veteris civitatis. gaudebam sane, & conge-
lasse nostrum amicum lætabar otio. Extrema pagella pu-
pugit me tuo chirographo. Quid ais? Cæsarem *k*) non
defendit Curio? quis hoc putaret præter me? nam ita
vivam putavi. Dii immortales! quam ego risum nostrum
desidero! Mihi erat in animo, quoniam jurisdictionem *b*.
Præterea confeceram: civitates locupletaram: publicanis, etiam su-
perioris lustri reliqua, sine sociorum ulla querela, conser-
varam: privatis, summis, infimis fueram jucundus: pro-
ficisci in Ciliciam nonis Maji: & cum prima æstiva atti-
gisssem, militaremque rem collocasssem, decedere ex sena-
tus-

k) *τιμωρ*.

44 EPIST. AD C. CVRIONEM, ET ALIOS

tusconfulto. Cupio te ædilem videre, miroque desiderio me urbs afficit, & omnes mei, tuque in primis. Vale.

14

ARGVMENTVM.

M. Fabium commendat diligenter: de urbanis rebus litteras expectat.

M. T. C. IMP. M. COELIO, AEDILI CVRVLI, S. D.

MARCO FABIO, viro optimo, & homine doctissimo, familiarissime utor, mirificeque eum diligo, cum propter summum ingenium ejus, summamque doctrinam, tum propter singularem modestiam. Ejus negotium sic velim suscipias, ut si esset res mea. Novi ego vos magnos patronos. hominem occidat oportet, qui vestra opera uti velit. sed in hoc homine nullam accipio excusationem. Omnia relinques, si me amabis, cum tua opera Fabius uti volet. Ego res Romanas vehementer expecto, & desidero: in primisque, quid agas, scire cupio. nam jamdiu, propter hiemis magnitudinem, nihil novi ad nos afferebatur. Vale.

15

ARGVMENTVM.

Ad plures Cælii epistolas respondet, præsertim XI & XIII, libri octavi: hoc est de supplicatione, de filia & Dolabellæ nuptiis: quibus addit de quæstore Cælio provincia præfecto: de Ocella, & aliis.

M. T. C. IMP. M. COELIO, CVRVLI AEDILI, S. P. D.

NON potuit accuratius agi, nec prudentius, quam actum est a te cum Curione de supplicatione: & mercule, confecta res ex sententia mea est, cum celeritate, tum quod is, qui erat iratus, competitor tuus, & idem meus, assensus est ei, qui ornavit res nostras divinis p. 26 laudibus. Quare scito me sperare ea, quæ sequuntur: ad^a quæ tu te para. Dolabellam a te gaudeo primum laudari, deinde etiam amari. Nam ea, quæ speras Tullia meæ prudentia temperari posse, scio, cui tuæ epistolæ respondeant.

deant. Quid si meam legas, quam ego tum ex tuis literis mihi ad Appium? Sed quid agas? sic vivitur. Quod actum est, dii approbent. Spero fore jucundum generum nobis; multumque in eo tua nos humanitas adjuvabit. Respublica me valde sollicitat: faveo Curioni: ~~emori~~ ^{emori} Cæsarem honestum esse cupio: pro Pompejo emori possum. sed tamen ipsa republica nihil mihi est carius: in qua tu non valde te jactas. districtus enim mihi videris esse, quod & bonus civis, & bonus amicus es. Ego de provincia decedens, quæstorem Cælium præposui provinciæ. Puerum? inquires. At quæstorem: at nobilem adolescentem: at omnium fere exemplo: neque erat superiore honore usus, quem præficerem. Pomtinus multo ante discesserat. a Quinto fratre impetrari non poterat: quem tamen si reliquisset, dicerent iniqui, non me plane post annum, ut senatus voluisset, de provincia decessisse: quoniam alterum me reliquisset. Fortasse etiam illud adderent, senatum eos voluisse provinciis præesse, qui antea non præfuissem; fratrem meum triennium Asiæ præfuisse. Denique nunc sollicitus non sum: si fratrem reliquisset, omnia timerem. Postremo non tam mea sponte, quam potentissimorum duorum exemplo, qui omnes Cassios, Antoniosque complexi sunt, hominem adolescentem non tam allicere volui, quam alienare nolui. Hoc tu meum consilium laudes necesse est. mutari enim non potest. De Ocella parum ad me plane scripseras: & in actis non erat. Tuæ res gestæ ita notæ sunt, ut trans montem Taurum etiam de Matrino sit auditum. Ego, nisi quid me Etesiæ morabuntur, celeriter (ut spero) vos videbo. Vale.

ARGVMENTVM.

16

Cicero ex provincia regressus, Cælio videbatur (nimium ad Pompejum) propendere, quod dissuasit illi epist. XVI lib. VIII. cui Cicero respondet, se pacem & otium malle, quam castra sequi; etiam causas sinisterioris suspicionis ostendit & refutat.

M. T. C.

LANDESBIBLIOTHEK
OLDENBURG



M. T. C. IMP. M. COELIO, AEDILI CVRVLI,
S. P. D.

MAGNO dolore me affecissent tuæ litteræ, nisi jam & ratio ipsa depulisset omnes molestias, & diurna desperatione rerum obduruisset animus ad dolorem novum. Sed tamen quare acciderit, ut ex meis superioribus litteris id suspicarer, quod scribis, nescio. quid enim fuit in illis, præter querelam temporum, quæ non animum meum magis sollicitum haberet, quam tuum? Nam non eam cognovi aciem ingenii tui, quod ipse videam, te id ut non putem videre. Illud miror, adduci potuisse te, qui me penitus nosse deberes, ut me existimares, aut tam improvidum, qui ab excitata fortuna ad inclinatam, & prope jacentem desciscerem: aut tam inconstantem, ut collectam gratiam florentissimi hominis effunderem, a meque ipse deficerem, &, quod initio, semperque fugi, civili bello interesset. Quod est igitur meum triste consilium? ut discederem fortasse in aliquas solitudines? nostri enim non modo stomachi mei, cujus tu similem quondam habebas, sed etiam oculorum, in hominum insolentium indignitate, fastidium. Accedit etiam molesta hæc pompa licitorum meorum, nomenque imperii, quo appello. Eo si onere carerem, quamvis parvis Italiæ latebris contentus essem. Sed incurrit hæc nostra laurus non solum in oculos, sed jam etiam in oculos malivolorum.

^{p.27} Quod cum ita esset, nil tamen umquam de profectio-
^{a.} ni vobis approbantibus, cogitavi. Sed mea prædiola tibi nota sunt. in his mihi necesse est esse, ne amicis molestus sim. Quod autem in maritimis facillime sum; moveo nonnullis suspicionem, velle me navigare: quod tamen fortasse non nollem, si possem ad orium. nam ad bellum quidem qui convenit? præsertim contra eum, cui spero me satisfecisse; *1)* ab eo, cui tamen satisfieri nullo modo potest?
- Dein-

1) Grav. conjicit legendum: *ad eum.*

Deinde sententiam meam tu facillime perspicere potuisti jam ab illo tempore, cum in Cumanum mihi obviam venisti. non enim te celavi sermonem T. Ampii: vidisti, quam abhorrerem ab urbe relinquenda. Cum audissem, nonne tibi affirmavi, quidvis me potius perpeffurum, quam ex Italia ad bellum civile exiturum? Quid ergo accidit, cur consilium mutarem? nonne omnia potius, ut in sententia permanerem? Credas hoc mihi velim, quod puto te existimare, *m*) ex his miseriis nihil aliud quærere, nisi ut homines aliquando intelligant, me nihil maluisse, quam pacem: ea desperata, nihil tam fugisse, quam arma civilia. Hujus me constantiæ puto fore, ut numquam pœniteat. Etenim memini, in hoc genere gloriari solitum esse familiarem nostrum, Q. Hortensium, quod numquam bello civili interfuisset. Hoc nostra laus erit illustrior, quod illi tribuebatur ignaviæ: de nobis id existimari posse non arbitror. Nec me ista terrent, quæ mihi a te ad timorem fidissime atque amantissime proponuntur. Nulla est enim acerbitas, quæ non omnibus, hac orbis terrarum perturbatione, impendere videatur: quam quidem ego a republica, meis privatis, & domesticis incommodis libentissime, vel istis ipsis, quæ tu me mones, ut caveam, redemissim. Filio meo, quem tibi carum esse gaudeo, si erit ulla respublica, satis amplum patrimonium relinquam in memoria nominis mei. sin autem nulla erit: nihil accidet ei separatim a reliquis civibus. Nam quod rogas, ut respiciam generum meum, adolescentem optimum, mihi que carissimum: an dubitas, cum scias, quanti cum illum, tum vero Tulliam meam faciam, quin ea me cura vehementissime sollicitet? & eo magis, quod in communibus miseriis, hac *n*) tamen oblectabar specula; Dolabellam meum, vel potius nostrum, fore ab iis molestiis, quas *o*) liberalitate sua contraxerat, liberum. Velim quæras, quos ille dies sustinuerit, in urbe dum fuit: quam acerbos sibi, quam

*m) me ex his.**n) tantum.**o) libertate.*

quam mihi ipsi focero non honestos. itaque neque ego hunc Hispaniensem casum exspecto, de quo mihi exploratum est ita esse, ut tu scribis: nec quidquam astute cogito. Siquando erit civitas, erit profecto nobis locus. sin autem non erit: in easdem solitudines tu ipse (ut arbitror) venies, in quibus nos confedissee audies. Sed ego fortasse vaticinor: & hæc omnia meliores habebunt exitus. Recordor enim desperationes eorum, qui senes erant, adolescente me. Eos ego fortasse nunc imitor, & utor ætatis vitio. Velim ita sit. Sed tamen togam prætextam texi Oppio, puto te audisse. nam Curtius noster dibaphum cogitat: sed eum infector moratur. Hoc adpersi, ut scires, me tamen in stomacho solere ridere. Dolabellæ, quod scripsi, suadeo videas, tamquam si tua res agatur. Extremum illud erit: nos nihil turbulenter, nihil temere ^{p.28} faciemus. Te tamen oramus, quibuscumque erimus in ^{a.} terris, ut nos, liberosque nostros, ita tueare, ut amicitia nostra, & tua fides postulabit. Vale.

17

ARGUMENTVM.

Sallustii, qui Bibuli proconsulis Syriae quaestor erat, binis litteris responderet, prioribus, ad singula eo ordine quo rogaverat: posterioribus, causas exponendo, quare illum Bibulo commendare non debeat, cui tamen morem gerit.

M. T. C. IMP. CANINIO SALLVSTIO
PROQVAESTORI, S. D.

^{17 Jul} **L**ITTERAS a te mihi stator tuus reddidit Tarfi a. d. xvi. kalend. Sextiles. His ego ordine, ut videris velle, respondebo. De successore meo nihil audivi, nec quemquam fore arbitror. Quin ad diem decedam, nulla causa est, præsertim sublato metu Parthico. Commoraturum me nusquam sane arbitror. Rhodum, Ciceronum causa puerorum, accessurum puto: neque id tamen certum. Ad urbem volo quam primum venire: sed tamen
iter

iter meum, reipublicæ & rerum urbanarum ratio guber-
nabit. Successor tuus non potest ita maturare ullo mo-
do, ut tu me in Asia possis convenire. De rationibus refe-
rendis, non erat incommodum, te nullam referre: quam
tibi scribis a Bibulo fieri potestatem. Sed id vix mihi
videris per legem Juliam facere posse: quam Bibulus cer-
ta quadam ratione non servat; tibi magnopere servandam
censeo. Quod scribis, Apamea præsidium deduci non
oportuisse, videbam idem ceteros existimare: molesteque
ferebam, de ea re minus commodos sermones malivolo-
rum fuisse. ^{non nulli} Parthi transierint, necne, præter te, video
dubitare neminem. itaque omnia præsidia, quæ magna,
& firma paraveram, commotus hominum non dubio ser-
mone, dimisi. Rationes mei quæstoris nec verum fuit me
tibi mittere, nec tamen erant confectæ. eas nos Apameæ
deponere cogitabamus. De præda mea, præter quæsto-
res urbanos, id est, populum Romanum, teruncium nec
attigit, nec tacturus est quisquam. Laodiceæ me prædes
accepturum arbitror omnis pecuniæ publicæ, ut & mihi,
& populo cautum sit sine vecturæ periculo. Quod scri-
bis ad me de drachmis $\text{ccc}1000$, nihil est, quod in isto
genere cuiquam possim commodare. Omnis enim pecu-
nia ita tractatur, ut præda, a præfectis; quæ autem mihi
attributa est, a quæstore curetur. Quod quæris, quid
existimem de legionibus, quæ decretæ sunt in Syriam: *to profici capi*
antea dubitabam, venturæne essent: nunc mihi non est
dubium, quin, si antea auditum erit, otium esse in Sy-
ria, venturæ non sint. Marium quidem successorem
tandem video esse venturum, propterea quod senatus ita
decrevit, ut cum legionibus iret. Uni epistolæ respon-
di: venio ad alteram. Petis, ut Bibulo te quam dili-
gentissime commendem: in quo mihi voluntas non deest:
sed locus esse videtur tecum exoptulandi. Solus enim tu
ex omnibus, qui cum Bibulo sunt, certiore me num-
quam fecisti, quam valde Bibuli voluntas a me sine causa
abhorreret. Permulti enim ad me detulerunt, cum ma-

D

gnus

gnus Antiochiæ metus esset, & magna spes in me, atque in exercitu meo, solitum ^{esse} dicere, quidvis se perpeti malle, quam videri eguisse auxilio meo. quod ego officio quæstorio te adductum, reticere de prætore tuo, non moleste ferebam: quamquam, quemadmodum tractarere, audiebam. Ille autem, cum ad Thermum de Parthico bello scriberet, ad me litteram numquam misit; ^{in quo} ad quem intellegebat, ejus belli periculum pertinere. Tantum de auguratu filii sui scripsit ad me: in quo ego misericordia ^{p. 29} commotus, & quod semper amicissimus Bibulo fui, dedi operam, ut ei quam humanissime scriberem. Ille si omnibus est malivulus (quod numquam existinavi) minus offendor in me: sin autem a me est alienior; nihil tibi meæ litteræ proderunt. Nam, ad senatum quas Bibulus litteras misit, in iis, quod mihi cum illo erat commune, sibi soli attribuit. se ait curasse, ut cum quæstu populi pecunia permutaretur. quod autem meum erat proprium, ut alariis Transpadanis uti negarem, id etiam populo se remisisse scribit. quod vero illius erat solius, id mecum communicat; *Equitibus auxiliariis, inquit, cum amplius frumenti postularem.* Illud vero pusilli animi, & ipsa malivolentia jejuni, atque inanis, quod Ariobarzanem, quia senatus per me regem appellavit, mihiq; commendavit, iste in litteris non regem, sed regis Ariobarzani filium appellat. *Hoc animo qui sunt, deteriores fiunt rogati.* Sed tibi morem gessi: litteras ad eum scripsi, quas cum acciperis, facies quod voles. Vale.

18

ARGVMENTVM.

Asia propratori suadet, ut decedens quæstorem potius, quam legatum, provinciæ præficiat.

M. T. C. IMPERATOR Q. THERMO
PROPRAETORI, S. D.

OFFICIUM meum erga Rhodonem, ceteraque mea studia, quæ tibi ac tuis præstiti, tibi homini gratissimo, grata esse vehementer gaudeo: mihiq; scito in dies majori curæ esse dignitatem tuam: quæ quidem a te ipso integritate, & clementia tua sic amplificata est, ut nihil ad
di

di posse videatur. Sed mihi magis, magisque quotidie de rationibus tuis cogitanti, placet illud meum consilium, quod initio Aristoni nostro, ut ad me venit, ostendi: graves te suscepturum inimicitias, si adolescens potens, & nobilis a te ignominia affectus esset. & hercle sine dubio erit ignominia. habes enim neminem honoris gradu superiorem. Ille autem, ut omittam nobilitatem, hoc ipso vincit viros optimos, hominesque innocentissimos, legatos tuos, quod & quæstor est, & quæstor tuus. Nocere tibi iratum neminem posse perspicio: sed tamen tris fratres, summo loco natos, promptos, non indifertos, te nolo habere iratos, jure præferim, quos video deinceps tribunos plebis per triennium fore. Tempora autem reipublicæ qualia futura sint, quis scit? mihi quidem turbulenta videntur fore. Cur ego te velim incidere in terrores tribunicios, præferim cum sine cujusquam reprehensione quæstoris legatis quæstorem possis anteferre? Qui si dignum se majoribus suis præbuerit (ut spero, & opto) tua laus ex aliqua parte fuerit. sin quid offenderit: sibi totum, nihil tibi offenderit. Quæ mihi veniebant in mentem, quæ ad te pertinere arbitrabar, quod in Ciliciam proficiscebam, existimavi me ad te oportere scribere. Tu, quod egeris, id velim dii approbent. Sed, si me audies, vitabis inimicitias, & posteritatis otio consules. Vale.

ARGVMENTVM.

19

C. Caelium, quæstorem sibi sorte datum, hortatur, ut festinet ad se venire, antequam ipse decedat.

M. T. C. IMP. C. COELIO. L. F. p) CALDO
QVAESTORI DES. S. D.

CVM optatissimum nuntium accepissem, te mihi quæstorem obtigisse, eo jucundior mihi eam sortem sperabam fore, quo diutius in provincia mecum fuisses. Magni enim videbatur interesse, ad meam necessitudinem, quam nobis fors tribuisset, consuetudinem quoque accedere. Postea quam mihi nihil neque a te ipso, neque ab

D 2

ullo

p) L. F. C. N.

ullo alio de adventu tuo scriberetur: verebar, ne id ita caderet, (quod etiam nunc vereor) ne ante, quam tu in provinciam venisses, ego de provincia decederem. Accepi autem a te missas litteras, in Cilicia, cum essem in castris, a. d. x. kal. Quintiles, scriptas humanissime: quibus facile & officium, & ingenium tuum perspicere posset. sed neque unde, neque quo die datae essent, atque quo tempore te exspectarem, significabant: nec is, qui attulerat, a te acceperat, ut ex eo scirem, quo ex loco, atque q) tempore, essent datae. Quae cum essent incerta, existimavi tamen esse faciendum, ut ad te statores meos, & lictores cum litteris mitterem: quas si satis oportuno tempore accepisti, gratissimum mihi feceris, si ad me in Ciliciam quam primum veneris. Nam quod ad me Curius, confobrinus tuus, mihi (ut scis) maxime necessarius; quod item C. Virgilius, propinquus tuus, familiarissimus noster, de te accuratissime scripsit: valet id quidem apud me multum, sicuti debet hominum amicissimorum diligens commendatio: sed tuae litterae, de tua praesertim dignitate, & de nostra conjunctione, maximi sunt apud me ponderis. Mihi quaestor optatior obtingere nemo potuit. Quamobrem quaecumque a me ornamenta ad te proficiscuntur, ut omnes intelligant, a me habitam esse rationem tuae, majorumque tuorum dignitatis. Sed id facilius consequar, si ad me in Ciliciam veneris: quod ego & mea, & reipublicae, & maxime tua interesse arbitror. Vale.

q) & quo.

M. TVLLII CICERONIS
 EPISTOLARVM
 AD
 APPIVM CLAVDIVM PVLCHRVM
 LIBER III.

I

ARGVMENTVM.

Appio Pulchro brevitatem excusat, quod Phanius, ejus liber-

ber-